

MALACHIE

¹ ✧Revelasyon pawòl SENYÈ a bay Israèl pa Malachie.

² “Mwen ✧renmen nou,” pale SENYÈ a.

Men ou di: “Nan kisa ou renmen nou an?”

“Se pa Ésaü ki te frè Jacob?” deklare SENYÈ a. “Men se Jacob Mwen te renmen; ³ Men Mwen te rayi Ésaü. Mwen te ✧fè mòn li yo vin yon kote dezole e Mwen te livre eritaj li bay chen mawon dezè yo.” ⁴ Tandiske Edom di: “Yo fin bat nou nèt, ✧men nou va ✧retounen vin bati sou ranblè yo;” konsa pale SENYÈ dèzame yo: “Yo va bati, men mwen va jete; epi moun va rele yo peyi mechan an, e pèp sou sila SENYÈ a fache pou tout tan an.”

⁵ Zye nou va wè sa e nou va di: “SENYÈ a gran! Menm lè se lwen lizyè Israèl la!” ✧

⁶ ‘Yon fis ✧onore papa li e yon sèvitè onore mèt li. Alò, si Mwen se yon ✧papa, kote onè pa M nan? Epi si Mwen se yon mèt, kote respè M nan?’ pale SENYÈ dèzame yo a nou menm, O prèt ki meprize non Mwen yo. Men nou di: “Nan kisa nou te meprize non Ou an?” ⁷ N ap ofri ✧manje ki souye sou lotèl Mwen an. Men nou di: ‘Nan kisa nou te souye Ou a?’ Nan sa, n ap di: ‘Tab SENYÈ a meprizab.’ ⁸ Epi lè nou ofri ✧ bèt avèg

✧ **1:1** És 13:1 ✧ **1:2** Det 4:37 ✧ **1:3** Jr 49:10,16-18 ✧ **1:4** Jr 5:17 ✧ **1:4** És 9:9,10 ✧ **1:5** Sòm 35:27 ✧ **1:6** Egz 20:12 ✧ **1:6** Det 1:31 ✧ **1:7** Lev 3:11 ✧ **1:8** Jr 27:18

kon sakrifis la, èske sa pa yon mal? Epi lè nou ofri bèt ki bwate e ki malad la, èske sa pa yon mal? Poukisa nou pa ofri sa yo bay gwo chèf peyi a? Èske l ap kontan avèk nou? Oswa, èske se ak dousè ak kè kontan ke l ap aksepte nou?” pale SENYÈ dèzame yo.

⁹ Men koulye a, m ap priye nou pou nou mande favè Bondye, pou Li kapab beni nou? Ak yon ofrann konsa, èske L ap aksepte okenn nan nou ak dousè? pale SENYÈ dèzame yo.✧

¹⁰ O ke te genyen youn nan nou pou ta ✧fèmen pòt yo, pou nou pa ta chofe dife san reyalize anyen sou lotèl Mwen an! “Mwen pa kontan avèk nou”, pale SENYÈ dèzame yo, “Ofrann nan k ap sòti nan men nou, Mwen p ap aksepte l tou.

¹¹ Paske depi solèy la leve jis rive kote li kouche a ✧non Mwen va ✧gran pami nasyon yo e tout kote, lansan ak ofrann sereyal ki san tach va vin ofri nan non Mwen; paske non Mwen va gran pami nasyon yo.” Pale SENYÈ dèzame yo. ¹² “Men nou ap ✧pwofane li lè nou di: ‘Tab SENYÈ a vin souye, fwi li, menm manje li vin meprizab.’ ¹³ Nou di tou: “Gade, a la fatigan sa fatigan!” Nou pa vle menm pran sant li,” pale SENYÈ dèzame yo: “epi nou te pote sa ke yo te pran nan ✧vòlè, sa ki te ✧bwate ak sa ki te malad; konsa, nou pote ofrann nan! Èske se sa ke Mwen ta dwe aksepte nan men nou an?” pale SENYÈ a.

✧ 1:9 Jr 27:18 ✧ 1:10 És 1:13 ✧ 1:11 Sòm 111:9 ✧ 1:11 És 66:18,19 ✧ 1:12 Mal 1:7 ✧ 1:13 Lev 6:4 ✧ 1:13 Mal 1:8

14 Men malè pou sila k ap ✨twonpe a, ki gen nan bann mouton li an, yon mal, ki fè sèman pou livre li; men ki anfen, fè sakrifis bay SENYÈ a ak yon ✨bèt ki gen defo; paske Mwen se yon gwo Wa,” Pale SENYÈ dèzame yo, “e non Mwen tèrib pami nasyon yo.”

2

1 Alò, koulye a, prèt yo, lòd sa a se pou nou. 2 Si nou ✨pa koute e si nou pa pran sa a kè pou bay lonè a non Mwen”, pale SENYÈ dèzame yo, “alò, Mwen va voye malediksyon sou nou e Mwen va fè benediksyon nou yo vin tounen malediksyon; anverite, Mwen fin modi yo deja, akoz nou pa pran sa a kè. 3 Gade byen, Mwen va fè repwòch nou rive jis sou desandan nou yo e Mwen va gaye pou pou sou figi nou, menm pou pou a festen nou yo; epi nou va vin disparèt ansanm avè l. ✨ 4 “Konsa, nou va konnen ke Mwen te voye lòd sa a bannou, pou ✨akò Mwen an kapab kontinye ak Lévi”, pale SENYÈ dèzame yo. 5 Akò Mwen an avèk li se te akò pou lavi ak lapè e Mwen te bay li yo pou li ta kab vin gen lakrent; epi li te krent Mwen e te vin gen gwo lakrent pou non Mwen. ✨ 6 ✨Lalwa verite a te nan bouch li e inikite pa t janm sou lè v li; li te mache avè M nan lapè ak ladwati e li te ✨detounen anpil moun soti nan inikite. 7 Paske lè v a yon prèt dwe gade

✨ 1:14 Trav 5:1-4 ✨ 1:14 Lev 22:18-20 ✨ 2:2 Lev 26:14,15
 ✨ 2:3 Lev 26:16 ✨ 2:4 Nonb 3:11-13,45 ✨ 2:5 Nonb 25:7,8,13
 ✨ 2:6 Sòm 119:142,151,160 ✨ 2:6 Jr 23:22

✧konesans e moun ta dwe ✧chache lalwa soti nan bouch li; paske li se mesaje a SENYÈ dèzame yo. ⁸ Men pou nou menm, nou te detounen kite chemen an; nou te koze anpil moun ✧chite nan lalwa a; nou te dezonore akò Lévi a,” pale SENYÈ dèzame yo. ⁹ Akoz sa ✧Mwen te fè nou vin meprizab tou e vin ✧imilye devan tout pèp la; nou pa t gade chemen Mwen yo, men nou te nan patipri nan lalwa a. ¹⁰ Èske se pa ✧yon sèl papa nou genyen? ✧Èske se pa yon sèl Bondye a ki te kreye nou? Poukisa nou chak ap trayi pwòp frè nou, nan pwofane akò a papa zansèt nou yo? ¹¹ Juda te aji nan ✧enfidelite e yon abominasyon te fèt an Israèl; paske Juda te ✧pwofane sanktyè a SENYÈ a, ke li te vin renmen e te vin marye ak fi a yon dye etranje. ¹² SENYÈ a va koupe retire nonm ki fè sa a, sila ki leve e sila ki reponn nan, soti nan tant a Jacob yo, oswa sila ki prezante ofrann a SENYÈ dèzame yo. ✧ ¹³ Men yon lòt bagay nou fè: nou kouvri lotèl SENYÈ a ak dlo k ap sòti nan zye nou, nan kriye ak plenyen, akoz ✧Li pa konsidere ofrann yo ankò, ni aksepte yo ak favè ki soti nan men nou. ¹⁴ Malgre sa, nou di: ‘Pou ki rezon?’ Paske SENYÈ a te yon temwen antre nou menm ✧ak madanm jenès nou an, kont sila nou te ✧aji an trèt la, malgre li se konpanyen e madanm nou selon akò nou an. ¹⁵ Men pa gen

✧ 2:7 Lev 10:11 ✧ 2:7 Nonb 27:21 ✧ 2:8 Jr 18:15 ✧ 2:9 Na 3:6 ✧ 2:9 Éz 7:26 ✧ 2:10 És 63:16 ✧ 2:10 Trav 17:24 ✧ 2:11 Jr 3:7-9 ✧ 2:11 Esd 9:1,2 ✧ 2:12 Jr 11:14 ✧ 2:13 Jr 11:14 ✧ 2:14 És 54:6 ✧ 2:14 Jr 9:2

moun ki fè sa ki gen menm yon ti kras Lespri a; sepandan te gen youn. Epi poukisa youn sa a? Li t ap chache ✧desandan ladwati a. Alò, veye lespri nou byen e ke pèsòn pa ✧aji mal kont madanm jenès li a. ¹⁶ “Paske Mwen rayi ✧divòs”, pale SENYÈ a, Bondye Israèl la, “ak sila ki kouvri vètman li ak vyolans lan,” pale SENYÈ a. Pou sa, veye lespri nou byen, ke nou pa aji an trèt.” ¹⁷ Nou te fatigue SENYÈ a ak pawòl nou yo. Malgre sa, nou di: “Nan kisa nou te fatigue Li a? Paske n ap di: ✧“Tout moun k ap fè mal, bon nan zye SENYÈ a e Li ✧pran plezi nan yo”; oswa: “Kote Bondye jistis la ye?”

3

¹ ✧Gade byen, Mwen va veye mesaje Mwen an e li va ✧netwaye chemen an devan Mwen. Epi Senyè a, ke n ap chache a, va vini sibitman nan tanp Li an; epi mesaje a akò a, nan sila nou pran plezi a, gade byen, Li ap vini,” pale SENYÈ dèzame yo. ² Men se kilès k ap ka ✧sipòte jou vini Li an? Epi se kilès k ap ka kanpe lè Li vin parèt la? Paske se va tankou dife nan founo a e se va tankou savon lave. ³ Li va chita tankou yon bès metal k ap pirifye ajan, Li va ✧pirifye fis a Levi yo e rafine yo tankou lò ak ajan, pou yo ka ofri bay SENYÈ a ofrann ladwati. ⁴ Konsa, ofrann Juda ak Jérusalem yo va yon ✧plezi pou

✧ 2:15 Rt 4:12 ✧ 2:15 Egz 20:14 ✧ 2:16 Det 24:1 ✧ 2:17 És 5:20 ✧ 2:17 Job 9:24 ✧ 3:1 Mat 11:10,14 ✧ 3:1 És 40:3 ✧ 3:2 És 33:14 ✧ 3:3 És 1:25 ✧ 3:4 Sòm 51:17-19

SENYÈ a tankou nan jou ansyen ak jou lontan yo. ⁵ Epi Mwen va rapwoche nou vè jijman; epi Mwen va vin yon temwen byen rapid kont ✧wangatè yo, kont moun ✧adiltè yo ak kont sila k ap fè fo temwayaj yo; kont sila k ap oprime ouvriye yo nan salè yo, vèv yo, òfelen yo, sila ki refize bay soutyen yo a etranje yo ak sila ki pa gen lakrent Mwen yo,” pale SENYÈ dèzame yo. ⁶ Paske Mwen menm SENYÈ a, Mwen ✧pa chanje; akoz sa, nou menm, O fis a Jacob yo, nou pa t fin detwi nèt. ⁷ Depi nan jou a papa zansèt nou yo, nou te vire kite règleman Mwen yo e nou pa t kenbe yo. ✧Retounen vin jwenn Mwen e Mwen va retounen vin jwenn nou,” pale SENYÈ dèzame yo. “Men nou di: ‘Nan kisa nou va retounen vin jwenn Ou an?’ ⁸ “Èske yon nonm va vòlè Bondye? Men nou ap vòlè M! Men nou di: ‘Nan kisa nou te vòlè Ou a?’ Nan dim ak ofrann yo. ✧ ⁹ Nou vin ✧modi avèk malediksyon, paske nou ap vòlè Mwen, tout nasyon an nèt! ¹⁰ ✧Mennen fè antre tout dim yo nan depo kay la, pou ka gen manje nan kay Mwen an e pase Mwen a leprèv nan sa”, pale SENYÈ a: “Pou nou wè si Mwen p ap louvri pou nou tout fenèt syèl yo e vide sou nou yon benediksyon jiskaske nou pa gen ase kote ankò pou nou resevwa li. ¹¹ Nan lè sa a, Mwen va repwoche pou nou menm sila k ap ✧devore a, pou li pa detwi fwi latè yo; ni pye rezen an p ap jete fwi li avan lè nan chan

✧ 3:5 Det 18:10 ✧ 3:5 Éz 22:9-11 ✧ 3:6 Nonb 23:19 ✧ 3:7 Za 1:3 ✧ 3:8 Né 13:11,12 ✧ 3:9 Mal 2:2 ✧ 3:10 Lev 27:30 ✧ 3:11 Jl 1:4

an”, pale SENYÈ dèzame yo. ¹² “Tout nasyon yo va rele nou beni, paske nou va yon peyi byen bèl”, pale SENYÈ dèzame yo. ¹³ “Pawòl nou yo te di kont mwen.” Pale SENYÈ a. Malgre sa, nou di: “Kisa nou te pale kont Ou yo?” ¹⁴ “Nou te di: ‘Se an ven yo sèvi Bondye’; epi ki avantaj sa gen pou nou kenbe règleman Li yo e pou nou mache lamante devan SENYÈ dèzame yo?✧” ¹⁵ Koulye a, nou vin rele moun ògeye yo, ‘beni’; non sèlman malfektè sila yo vin leve wo, yo menm tante Bondye, e yo ✧chape.’” ¹⁶ Answit, sila ki te ✧gen lakrent SENYÈ yo te pale a youn lòt; epi SENYÈ a te prete zòrèy Li, te tandè e yon liv souvni te ekri devan Li pou sila ki te gen lakrent SENYÈ yo e ki te bay gwo respè a non Li yo. ¹⁷ “Epi yo va vin ✧pou Mwen”, pale SENYÈ dèzame yo, “nan jou ke M prepare posesyon Mwen an; epi Mwen va fè yo gras menm jan yon nonm ta ✧fè gras a pwòp fis k ap sèvi li a.” ¹⁸ Konsa, nou va retounen pou ✧destenge antre ladwati ak mal, antre sila k ap sèvi Bondye ak sila ki p ap sèvi Li.

4

¹ Paske gade byen, jou a ap vini, byen cho tankou yon founo; epi tout moun ògeye yo ak tout malfektè yo va vin tounen pay vannen; epi jou k ap vini an va fin boule yo nèt”, pale SENYÈ dèzame yo: “jiskaske li pa kite pou yo ni rasin ni branch.✧” ² Men nou menm ki gen lakrent non

✧ 3:14 És 58:3 ✧ 3:15 Jr 7:10 ✧ 3:16 Sòm 34:15 ✧ 3:17 És 43:1 ✧ 3:17 Sòm 103:13 ✧ 3:18 Jen 18:25 ✧ 4:1 Sòm 21:9; És 9:18,19

Mwen an ✨solèy ladwati a va vin leve ak gerizon nan zèl li; epi nou va sòti pou sote toupatou tankou ti bèf ki fenk sòti nan Pak yo. ³ Nou va ✨foule mechan an anba pye nou, paske yo va tankou sann anba pla pye nou nan jou ke Mwen ap prepare a,” pale SENYÈ dèzame yo. ⁴ ✨“Sonje lalwa a sèvitè Mwen an, Moïse, règleman ak òdonans ke M te kòmande li nan Horeb pou tout Israël yo. ⁵ Gade byen, Mwen ap voye bannou ✨Élie, pwofèt la, avan gwo jou tèrib a SENYÈ a vin rive a. ⁶ Li va ✨tounen kè a papa yo vè pitit yo e kè a pitit yo vè papa yo, pou m pa vin ✨frape peyi a avèk yon malediksyon.”

✨ **4:2** II Sam 23:4; Jr 30:17 ✨ **4:3** Job 40:12 ✨ **4:4** Det 4:23
 ✨ **4:5** Mat 11:14 ✨ **4:6** Luc 1:17 ✨ **4:6** És 11:4

Bib Sen An **The Holy Bible in Haitian Creole, 2022 update**

copyright © 2017-2022 Ron Smith

Language: Kreyòl Ayisyen (Haitian)

Translation by: Ron Smith

Contributor: Felix Nixon

Sa a se yon tradiksyon bouyon. Tanpri voye kòmantè bay tradiktè yo atravè fòm kontak nan <https://www.bibsenan.com/>. This is a draft translation. Please send comments to the translators via the contact form at <https://www.bibsenan.com/>.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2022-11-11

PDF generated using Haiola and XeLaTeX on 11 Nov 2022 from source files dated 11 Nov 2022

10d5899e-31c7-5009-983b-ffc4788d2e5b